

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
MAY 5 1941

T9299/2991(3)

新鐫古今事物原始全書卷之五



明臨安徐炬明夫輯

仁和張樸仲明校

哈佛大學漢和
圖書館珍藏印

禮儀

周禮大宗伯以吉禮事邦國之鬼神以凶禮哀邦國之憂以喪禮哀死亡以荒禮哀凶礼以弔禮哀禍哉以昏冠之禮親成男女而禮儀之節其來尚矣

冠

男子冠而字之敬其名也女子笄而亦字其事冠禮圖載之詳矣固不重輯

昏

帝王世紀云包犧氏都陳制嫁娶之禮以脩人道之始史記云伏羲氏制嫁娶以儷皮為禮今曰諧伉儷即此義也

媒妁

鄭康成曰太昊制昏禮則判合之義當有所由而媒妁通兩家之好宜此始也至周始置媒氏之官掌萬民之判焉

撒麻米

漢京房之女適翼奉之子奉擇日迎之房以其日不

吉以三煞在門之故也三煞者乃青羊烏雞青牛之神也凡是三者入門新人不得入犯之損尊長及無子奉以為不然婦將至門但以麻豆穀米與草火襖之則三煞自避新人可入也自是以來凡嫁娶者置草火于門前候新人轎及門則燃草火名曰攬轎及新人進房以麻米撒之名曰撒麻米至今以為故事

跨馬鞍

唐曆曰胡虜之俗常坐女于馬鞍之側此胡人尚乘鞍馬之義也段成式酉陽雜俎曰今士夫家新婦出轎而跨馬鞍悉北朝之餘風也或曰取平安之義

合盃

昏禮婦至門壻揖而入合盃而飲共牢而食即今之所謂喫同和盃也取同心和合之義

婦人拜

禮曰男拜尚左女拜尚右居喪之禮男拜稽顙女子則否是古者男女之拜一也孫甫唐書云唐武后欲尊婦人以屈膝為拜而稱萬福者始于唐武后時也按周禮九擗九曰肅拜但直身肅容而微下手自古婦人皆肅拜也今則微屈其膝而躬不屈名曰起曰福曰萬福男子則長揖謂之相叫也趙宋張齊賢之

母入大內帝曰婆婆老福亦武后之遺意也

改適

唐書云宣宗之女萬壽公主下嫁之後遂詔公主有子而寡不得復嫁宋制主薨夫亦不得復娶

喪

通典曰喪期無數者謂黃帝時心喪終身也三王乃制喪服則衰經之起自三代始也

五服

淮南子曰三月之服夏后氏之禮也而五纓之服三年暮年五月九月三月謂之五服也五服之等原于

夏而備于商周

母服

三代之制父在母死止服齊衰暮年唐武后始詔同父三年之喪

以日易月

五代會要曰後唐同光三年禮儀使奏曰粵自漢文帝益尊神器狗至公絕私義以日易月之制始

含祿

凡人初死實以珠玉金銀于口中曰含以衾衾贈死者曰祿穀梁曰貝玉曰含衾衾曰祿

面帛

呂氏春秋曰夫差誅伍子胥數年越報吳殘其國夫差將死曰死者如其有知也吾何面目見子胥于地下乎乃為瞑以冒其面而死風俗通及說苑二說皆同今人死以帛覆面即此義

糧罌

王肅喪服要記曰昔魯哀公祖載其父孔子曰寧設五穀囊者公曰否也五穀囊者起自伯夷叔齊不食周粟而餓死恐其魂之饑也故設五穀囊吾父食味含哺而死何用此焉今喪家置糧罌其事始於夷齊

禮制卷五

之世歟

棺槨

上古人死衣之以薪檀弓曰有虞氏始置瓦棺不用薪矣夏后氏用土甕商周並用木焉漢趙咨曰棺槨之造自黃帝始按易繫辭云古之葬者厚衣之以薪後世聖人易之以棺槨孔穎達疏云有虞氏用瓦棺未必用木商以前有槨經文不載則棺槨自商以後有之夏以前未具也而易以為黃帝堯舜之事焉國君大棺八寸屬六寸禭四寸上大夫大棺八寸屬六寸下大夫大棺六寸屬四寸士棺六寸惟大棺最在

在大棺之內禭又在屬之內是國君之棺三重有虞氏瓦棺夏后氏聖殷人棺槨周人牆置羿注云聖者火之餘燼蓋治土為韃而四周於棺之次也殷世始為棺槨周人又為設棺之具蓋弥文矣牆柳衣也柳者聚也諸飾之所聚也以此障柩猶垣墻之障我故謂之墻

娶

今挽卽所持以蔽喪車之前後以為飾者世本曰武王作羿古史考曰周公作娶注云娶者如扇之狀有畫為黼者有畫為黻者有畫為雲風者聖音稷

葬埋

孟子曰上世有不葬其親者其親死則舉而委之於壑他日過之狐狸食之蠅蚋姑嘍之其類有泚睨而不親蓋歸反藁而掩之則葬埋之禮疑自此起炎帝之前厚衣之以薪葬之中野不封不樹而葬有棺柳考之黃帝內傳及劉向說苑皆云始于黃帝時

挽歌

通典曰漢高帝時齊王田橫自殺故吏不敢哭泣但隨柩叙哀為薤露蒿里之歌蓋從者以寄哀耳漢武帝時李延分而為二薤露送王公貴人蒿里送大夫

庶士蓋二歌之起始自橫也按左傳云哀公十一年會吳伐齊將戰公孫夏命其徒歌虞殯杜預注云送葬歌曲所以哀死也孔穎達疏云虞者啓也殯將啓而歌之即今之挽歌也又按莊子曰緇謳于所生必于斥若司馬彪注曰緇引柩索也謳挽歌也斥疏緩貌若急促貌蓋言引緇而謳為用人力以挽柩者所歌故曰挽歌然則挽歌實起于虞殯亦周人之制也世言挽歌起自田橫疑橫之門人沿周人虞殯之歌立薤露蒿里之名色耳

銘旌

禮記曰死者不可以必故以其旗識之喪禮之有銘
旌乃周制也喪服小記曰書銘自商始非周禮也周
官司常氏大喪具銘旌因商事耳士喪為銘各以其
物銘于末曰某氏某之柩置于西階之上商以前皆
書姓男名女字無書國者后亦不書氏至魏以為天
下之號無所復別臣子故稱之以自別也

明器

禮檀弓曰孔子謂為明器者知喪道乎其曰明器神
明之也蓋塗車芻靈自古有之明器之道也謂為芻
靈者善為備者不仁為其像人而用之也備者是偶

人有面目似生人者孔子善古而非周按周官家人
反葬言鸞車像人其事始于周也今直以俑號為明
器云又按禮曰夏后氏用明器謂竹不成用瓦不成
味木不成斲琴瑟張而不平笙竽備而不和是有鍾
磬而無篳篥也若以俑為明器誤矣

寓錢

唐王嶼傳曰玄宗時嶼為祠祭使言漢以來葬者皆
有瘞錢後世俚俗稍以紙寓錢為鬼事焉今喪祭之
焚紙錢倣漢世瘞錢之義也今禱神及僧道有禳謝
法事之用紙錢自唐王嶼始也

合葬

禮記檀弓云季武子曰合葬之事非古制也自周公以來未之有改葬葬蒼梧之野二妃未之從也合葬之禮自周公始焉故周桓王之詩曰死則同穴

方相

軒轅本紀云帝周游時元妃嫫祖死于道帝令次妃姆媯監護因置方相一名防喪此其始也倍云祆道神或曰祆乃胡神也周禮有方相氏狂夫四人大喪先匱及墓入壙以戈擊四隅故今喪家以方相先馳于前今俗名開路神

魃頭

宋朝喪葬之制有方相魃頭之別皆是其品之所當用者而世以四目為方相以兩目為魃頭按漢世逐疫用魃頭亦周禮方相氏之比也方相氏身蒙熊皮以黃金飾四目索室以驅疫即今之魃頭是也

墓誌

吳季札之喪孔子銘其墓曰嗚呼吳延陵季子之墓莊子曰衛靈公葬沙丘掘得石槨銘曰不馮其子靈公奪而埋之前漢杜子春臨終作文命刻石埋于墓前疑墓誌因此始也魏侍中繆襲改葬父母於墓下

埋文將謂陵谷變遷欲使人有所聞知但記姓名歷
官祖父姻媾而已晉王戎墓銘云晉司徒安豐元公
王君之銘唐開元時有人耕地得墓誌刻其文于銅
盤之上曰右林左泉後崗前道萬世之寧茲焉是保
又按漢滕公夏侯嬰石銘曰佳城鬱鬱三千年見白
日吁嗟滕公居此室則墓之有誌其來遠矣

石羊虎

炙穀子曰秦漢以來帝王陵寢有石麒麟卯兕馬之
屬人臣墓前始有石人羊虎柱之類皆表飾墳壠如
生前儀衛也風俗通曰方相氏葬日入壙驅罔像罔

像好食死人肝腦人臣不敢備方相乃立其像于墓
側又罔像畏虎與栢故頂上栽栢路前之虎也盧思
道西征記曰漢桂陽太守趙越墓前有石柱漢霍去
病墓前立石人石馬然則其事始于漢也

碑

陸龜蒙曰碑悲也古者懸而窆用木書之以表其功
德因留之不忍去蓋因喪禮豐碑之制葬時臣子追
述君父之功以載其上秦漢以降生有功德政聲者
亦碑之而又易之以石此又後世德政有碑之始也
按管子曰古者無懷氏封泰山刻石紀功之始至晉

宋之世始有神道碑天子及諸侯皆有之其刻文止曰某帝某官神道之碑今世尚有之至後漢中山簡王薨詔大為脩塚塋開神道注云墓前開道建石柱以為標謂之神道也

禮儀雜說

天子崩七月而葬五重八拜諸侯五月而葬三重六拜大夾三月而葬再重四娶此以多為貴也曾子曰喪有疾食肉飲酒必有草木之滋焉以為薑桂之謂也死而不弔者三畏厭弱戰陳無勇者不孝也其有畏而死者君子不立巖墻之下其有厭而死者孝子

舟而不游其有溺而死者三者皆非正命故先王制禮在所不弔夫弔喪弗能賻不問其所費問疾不能遺不問其所欲見人弗能館不問其所舍賜人者不曰來取與人者不問其所欲適其墓不登壠耿喪必執紼臨喪不笑里有殯不巷歌適墓不歌哭日不歌送喪不由徑送葬不辟塗潦臨喪則必有哀執紼不笑男女不雜坐不同柩柩不同巾櫛不親授嫂叔不通問諸母不救裳柩音移柩音架置衣服之具也巾以笄紒櫛以理髮四者皆所以遠私藝之嫌救者浣也裳者賤服諸母者父妾之有子者不使救裳亦敬

父之道也女子已嫁而反兄弟弗與同席而坐不與同器而食寡婦之子非有見焉弗與為友有見者謂才能卓異也父之讐弗與共戴天兄弟之讐不反兵交游之仇不同國注云不反兵者謂常以殺之之兵器自隨也侍坐于先生先生問焉終則對請業則起請益則起父召無諾先生召無諾唯而起侍坐於所尊敬無餘席見同等不起注云所尊敬謂先生長者及有德有位之人無餘席謂已之席與尊者之席相近則坐於其端不使有空餘處則應對審也凡夜宴燭不見跋註云跋本也古者未有蠟燭以火炬照夜

將盡則藏其所餘之殘本恐客見之以夜久欲辭也尊客之前不叱狗讓食不唾水潦降不獻魚鱉水涸魚鱉易得不足貴也故不獻

祭祀

王子年拾遺記庖犧氏使鬼物以致群祠此祭祀之始也黃帝內傳曰黃帝祠天祭地所以明天道也史記云高陽氏潔誠以祭祀高辛氏明鬼神而敬事

齋戒

春秋命誠圖曰黃帝請問太乙長生之道太乙曰齋六丁可以成功內傳曰黃帝誓剪髮尤乃齋三日以

告上帝此齋戒之始

祭壇壇

左氏注曰除地為壇築土為壇武王有疾周公為三壇同壇黃帝內傳乃有築壇壇事其制起於黃帝

合祀

祀天於南郊祭地於北郊古今之通義也漢平帝立王莽頗改祭禮云天地有合有別有合者孟春正月上辛天子親合祀於南郊於是始同祀於圓丘今南郊合祀自王莽始也

日月星辰

周禮大宗伯以實柴祀日月星辰典瑞圭璧以祀日月星辰月令孟冬天子乃祈來年與天宗天宗謂日月祭日于壇祭月于坎以別幽明以制上下祭日于東祭月于西以別外內以端其位左傳曰日月星辰之神不祀則霜雪風雨之不時于是乎禱之

風雲雷雨

大宗伯以禋燎祀積柴實司中司命文昌第四星觀師

兩師小司寇孟冬祀司民輔獻民教于王我

朝郊祀既設星辰二壇于上又有風雲雷雨之壇不

以風雨為星唐天寶間詔祀兩師以雷師同壇此後

世祀雷之始周禮有風師兩師漢以丙戌日祀風師于戌地以巳丑日祀兩師于丑地宋師北風師于西郊祀以立春後丑日北兩師于北郊祀以立夏後申日北司中司命司祿乃文星于南郊祀以立秋後亥日以雷師從兩師之位以司民從司中司命司祿之位皆各壇而祭未常合而為一

本朝于風兩雷之外又加以雲合為一壇以從獻于郊祀又為壇于郊壇之西每歲仲秋

天子躬祀焉其得典並祀者太歲五嶽五鎮四海四瀆之神而以京畿山川四季月將京都城隍從享而

太歲城隍月將與雲皆前代所未祀也夫雲興而雨沛祀雨而遺雲可乎峙形于兩間皆以享祀流行于四時以司民耕作興作之後而無祭可乎名山大川遼絕于千里之外皆得入于望祀而宸居所蒞六宮百司三軍百姓之所居止者反遺之可乎我

聖祖獨斷神見其視前代九宮貴人之屬蓋有間矣

祭社

周書召誥戊午乃社于新邑牛一豕一羊一馬駘曰言社則稷在其中矣月令云仲春之月擇元吉命民

社注云社后土也使民祀之以祈農也近春分前後
戊日乃元吉日也周禮地官大司徒設其社稷之壇
而樹之各以其野之所宜木遂以名其社與其野小
司徒凡建邦國立其社稷州長各以歲時祭祀州社
大宗伯以血祭祭社稷小宗伯以掌建國之神位右
社稷王制天子社稷皆太牢諸侯社稷皆少牢大社
者天下之社國社者一國之社王社侯社一人之社
也白虎通曰王者之有社稷者為天下祈福報功蓋
謂人非土不立非穀不食土地廣博不可偏敬五穀
衆多不可一一而祭也封土立社示有土尊稷得陰

陽中和之氣為五穀之長王者親祭社稷何也社者
土地之神也土生萬物天下之所主也尊重之故自
祭也禮記祭義云共共氏之子曰句龍為后土能平
水土故祀之以為社孝經緯曰社土地之主也土地
潤不可盡祭故封土為社以報功也春祭社祈穀之
生秋祭社祈穀之熟

宗廟

禮緯元命包曰唐虞五廟沿革亦云昔唐虞五廟夏
后因之至商而七書咸有一德七世之廟可以觀德
是也周兼文武二祧故九廟

郊丘

通典曰黃帝封禪天地郊丘之始矣內傳云王既會帝於蓬萊歸乃築圓壇以祭天方壇以祭地是祭圓丘方澤之始也史記封禪書曰漢武即位之明年初至雍郊見五時後常三歲一郊則郊以三歲是漢武始也

封禪

史記封禪書曰封泰山禪梁父者七十二家無懷氏為之始蓋在太昊之前也遁甲開山記則云太昊之後自女媧氏至無懷氏凡十五代乃在太昊後炎帝

前也

祭五嶽四瀆

月令孟春之月乃修祭典祀山林川澤季冬之月乃畢山川之祀周禮大宗伯以血祭祭五嶽以豕沈祭山林川澤小宗伯之職兆五帝于四郊四望亦如之兆山川丘陵墳衍各從其方王氏四望山川則羸冕大司樂乃奏姑洗歌南呂舞大磬以祀四望乃奏豷賓歌函鍾舞大夏以祭山川王制天子祭天下名山大川五嶽視三公四瀆視諸侯諸侯祭名山大川之在其地者學記云三王之祭皆先河而後海

后土

西漢祭天於甘泉泰畤祭地於汾陰后土本漢祀地示之所出也

城隍

按城隍之名經史不書伏讀我

太祖制詞云明有禮樂幽有鬼神城隍聰明正直聖不可知必有超于高城深地之表者此城隍之神所以神與

國初洪武元年皆加以封爵府曰公州曰侯縣曰伯三年詔革去封號止稱某府州縣城隍之神又設為

廟宇

命京尹主其祭府州縣守令主之新官到任俾其與神誓按周禮有司民之祭

國初詔封其神為監察司民意或取于此歟

五祀

按儀禮有五祀之名無其日月令所謂門行戶竈中雷白虎通載五祀無行而有井漢及魏晉皆祭井不祭行隋唐以來皆以時享宗廟并祭之本

朝于四季享太廟各祭其一春祭戶夏祭竈秋祭門冬祭井季夏土旺祭中雷歲暮享廟命官無祭五祀

即月令臘日享五祀也

祭臘

說文曰冬至後三戌乃臘日也按大蜡蜡音之祭三代已有之廣雅曰夏曰嘉平商曰清祀周曰大蜡秦始名曰臘漢以下因之古之所祭者八神而已皆有功于農事者

配享

尚書盤庚之誥其臣曰茲予太享先王爾祖其從與享之則功臣配享之禮由商人始也

五卷終

新鐫古今事物原始全書卷之六

明臨安徐炬明夫采輯

仁和張煥仲明校正

姓

史紀云太昊曰庖犧氏風姓宜姓自太昊始唐玄宗問於張說曰今之姓氏皆云出自帝王之後古者無民耶說對曰古者民無姓有姓者皆有土有爵者故左傳云天子命德因生以賜姓胙之土而命之氏黃帝之子二十五人得姓者十四而已其後居諸侯之國土者其民以諸侯之姓為姓居大夫之采地者以

大夫之姓為姓莫可分辨故曰皆出自帝王也譬如
今之巨族之義男多竊附主人之姓數代之後莫辨
真偽以今証古甚明三代以前姓以別婚姻氏以辨
貴賤三代以後姓氏浸廣年世既遠族類益繁於是
以氏為姓而索之族矣自五胡金元華夷大混有以
部落為姓有因功賜姓有因過因形避仇避難避嫌
改姓者有慕前賢名字冒姓者有音訛及音同文異
或文同音異轉姓者又不可勝紀

氏

左傳曰天子命德因生以賜姓胙之土而命之氏然

命氏之原尚矣雖盤古亦稱氏正義曰氏者猶家也
別而稱之曰氏合而言之曰族曰姓氏者姓以繫統
百世使不別氏以別子孫之所出

名

帝皇世紀曰神農之母名安登炎帝名魁太昊之母
名華胥是名始于太昊之前矣按周禮子生三月妻
以子見于父父執子之右手咳而名之名子不以山
川不以日月左傳申繻曰名有五有信有義有象有
假有類以名生為信以德命為義以類命為象取於
物為假取於父為類不以國不以官不以山川不以

隱疾不以畜牲不以噐幣周人以諱事神名終將諱之故以國則癢名以官則癢職以山川則癢生以畜牲則癢祀以噐幣則癢禮古者諱名不諱姓生曰名死曰諱今問人曰尊諱非也

字

帝皇世紀曰帝少昊名摯字青陽是則少昊金天氏始有字矣禮記曰冠而字之敬其名也王充曰古者立字展名取同義如端木名賜字子貢宰予字子我是也公羊傳曰名不如字古之君子之名子也必以信義而擇淑令所以祥其名也不以官職所以殊其

名也不以畜幣所以重其名也不以隱疾所以顯其名也遍告內外所以昭其名也書而藏之所以寶其名也賤者避焉所以貴其名也冠而有字所以尊其名也

號

古人稱號之始夏禹紫庭真人文王西明仙公孔子泣麟翁又魯叟莊子闔編仙人漢武茂陵秋風客光武白水真人明皇孔昇真人明宗潞州別駕孫權紫髯將軍李靖九霞仙人李白青蓮居士騎鯨仙人錦袍仙杜甫浣花翁草堂先生杜陵老翁陶潛巾車令

樂天醉吟柳子厚愚溪翁陸龜蒙甫里先生李象山
王溪元結漫郎琦玗子富弼崑崙真人司馬溫公涑
水先生又迂叟蘇洵老泉歐陽脩醉翁張載橫渠東
坡峨眉先生又玉堂仙又玉局翁魯直金華仙伯又
涪翁蘇恭直後湖病民又青翁陳无已后山居士劉
原父公是先生劉貢父公非先生李伯時龍眠居士
其間或人稱或自稱難以枚舉至於國朝或有因先
世祖父為號者或以山川形勝為號者或以木石山
居為號者或以經傳道家內典諸書摘取吊詭奇絕
之言務為誇詡雖厮養胥易往、潛云

譚名

按譚名始於窮奇饕餮羨羨之稱如八元八愷三鳳
八龍之類鄙惡之稱如李猶藍面鬼長脚之類至閻
閻猥瑣不屑備載

謚

周制大夫以上則有謚按史記神農氏以火德王故
曰炎帝有熊氏以土德王故曰黃帝少昊顓頊帝嚳
俱未聞有謚也至陶唐氏曰帝堯而謚法翼善傳聖
曰堯則謚法宜自堯始舜帝但曰姓姚黃帝八代孫
至禹則曰黃帝之玄孫按謚法受禪成功曰禹由此

觀之謚法之作其來尚矣

姓氏源流

趙錢孫李周吳鄭王

天水趙氏顓頊之後造父封趙城因氏造父原姬姓此以國為姓也 彭城錢氏顓頊之後裔陸終氏生

彭祖其孫名孚周時為錢府上士此因官命氏也

樂安孫氏周文王子康叔封衛至武公子惠孫魯耳

為衛上卿因氏 隴西李氏顓頊後裔咎繇為大理

官因姓理其孫理利貞逃難於伊尹之墟食木子而

變姓李氏是因難而改姓也利貞乃李耳老君之後

一居隴西一居趙城居隴西者生漢李廣廣之後生

唐高祖李淵 汝南周氏無考渤海吳氏太伯仲雍

封吳因氏 滎陽鄭氏無考 太原琅琊王氏周靈

王太子晉之後北海東海高于天水諸郡各有派系

本姓姬

馮陳褚衛蔣沈韓楊

始平馮氏周文王之子畢公高之後畢萬封魏支孫

食采馮城本姬姓此以國為氏 潁川陳氏周封舜

之後胡公于陳因氏舜本 姓 河南褚氏本殷之

後姓 氏支孫公子右為褚帥因氏 河東衛氏周

文王第八子康叔封于衛後國滅因氏為安樂蔣氏周公第三子伯齡封蔣城因氏國在汝南南陽韓氏其一唐叔虞之後曲沃桓叔之子萬食邑於韓因氏代為晉卿後分晉國以國為氏弘農楊氏唐叔虞之後伯僑封楊侯因氏一云周宣王曾孫封之後又云周景王之後

朱秦尤許何呂施張

沛國朱氏顓頊之後周封曹俠於邾因氏天水秦氏顓頊嬴姓之後伯益裔孫非子周孝王封之於秦因氏吳興尤氏或曰尤游同称或曰石姓誤傳為

尤或曰尤起於仇皆怨之義俱無所據閩人避審知諱故沈姓去水為尤趙宋時寧國府諸尤多顯宦至翰林尚書八座者高陽許氏本炎帝之後姜姓周武王封其裔孫太叔於許後遂以國為姓盧江何氏周武王之弟唐叔虞裔孫韓安王之後以韓為何字隨音變遂為何氏韓與何是同姓河東呂氏本炎帝之後姜姓至虞夏之際封於呂至周時其苗裔子孤以呂為氏吳興施氏魯惠公之子施父尾生施伯因氏清河張氏黃帝子青陽生揮為弓正觀弧星始置弓矢主祀弧星因氏

魯國孔氏宋孔父嘉之後 譙國曹氏顓頊玄孫陸終氏第五子安為曹氏周文王第十三子振鐸封曹亦為曹氏 天水嚴氏本莊姓楚王之曾孫以謚為姓楚有莊周漢有莊忌生助避明帝諱改姓嚴氏此乃避諱而改姓者 武陵華氏本宋戴公子考叔說食采於華因氏 彭城金氏少昊金天氏之後 鉅鹿魏氏周文王十五子畢公高封於畢其裔孫萬仕於晉封於魏因氏 濟陽陶氏乃陶唐氏之後又云虞思為周時之陶正因氏此以官為姓者 天水姜

氏黃帝生於姜水因氏此以所生之地名為姓者後太公封齊子孫散處天水上邽

戚謝鄒喻栢水竇章

渤海戚氏又東海戚氏衛大夫食采於戚因氏 陳留謝氏炎帝之裔申伯受封於謝因氏今汝南謝城是也 范陽鄒氏無考 江夏喻氏亦作諭南昌亦有諭氏東晉有諭歸撰西河記 魏郡栢氏古栢皇氏之後栢招乃顓頊之師也栢同是帝嚳之師 吳興水氏無考 扶風竇氏夏帝相遭有窮之難昏緡方娠逃出自竇而生少康後因氏 河澗章氏齊太

公支孫封彰因氏

雲蘇潘葛奚范彭即

琅琊雲氏有四春秋時為妘芸西漢時單為云北朝時始為雲其實一也雲姓乃縉雲氏之後少昊時以雲紀官故為雲師而雲官雲敞武功蘇氏顓頊祝融之後陸終生於昆吳封蘇因氏滎陽潘氏周文王畢公之子食采於潘因氏頓丘葛氏葛天氏之胤夏葛伯乃嬴姓國亦為葛氏譙國奚氏夏時奚仲為夏車正後奚仲居薛為湯左相高平范氏隴西彭氏大彭為商伯蓋陸終第三子彭祖即大彭

也注云彭祖陸終氏第三子篋鏗之後又為大彭又為彭祖封於大彭百歲常會村人於幔亭中山即氏魯懿公之孫費伯城於即因氏

魯常昌馬苗鳳花方

扶風魯氏京兆韋氏豕韋氏之後汝南昌氏黃

帝之子昌意之後扶風馬氏本嬴姓百益之後趙

王子趙奢封馬服君因氏奢之孫為趙所滅徙咸陽

東陽苗氏楚大夫伯焚子賁皇奔晉官於苗因氏

苗賁皇乃諸侯之選邠陽鳳氏東平花氏前

代無考唐時有倉部員外郎花季睦河南方氏周

大夫方叔之後一云方雷氏之後

俞任袁柳鄭鮑史唐

河澗俞氏前趙劉聰時有中常侍俞容 樂安任氏
黃帝子以德為姓六代至奚仲居薛秦有任鄙任座
汝南袁氏爰轅姓同舜之後胡公之胤漢書作爰
轅固漢人官拜清河王太傅 河東柳氏 京兆豐
氏鄭穆公子豐之後春秋時有豐施豐卷 上黨鮑
氏姒姓夏禹之後有鮑敬叔仕齊食采於鮑因氏
京兆史氏周太史史夫之後以官為姓 晉陽唐氏
又晉國唐氏陶唐氏之後裔封唐侯以國為姓

費廉岑薛雷賀倪湯

江夏費氏紂之幸臣費仲乃夏禹之後今益州諸費
為巨族 河東廉氏顓頊曾孫大廉之後以王父字
為氏 南陽岑氏周文王封異母弟耀之子渠為岑
子今梁國有岑亭 河東薛氏黃帝裔孫奚仲居薛
至仲虺為湯相代為侯伯 馮翊雷氏方雷氏之後
廣平賀氏姜姓齊公族慶父之後 千乘倪氏邾
武公封次子於倪因氏 中山湯氏商湯之後

滕殷羅畢郝鄆安常

南陽滕氏周文王子滕侯之後以國為氏 汝南殷

氏 豫章羅氏祝融之後妘姓初封宜城徙枝江周
末居長沙漢有梁相羅懷楚滅羅因氏 河南畢氏
周文王第十五子畢公高之後 太原郝氏殷帝乙
時王子胡封太原郝鄉因氏 潁川鄔氏春秋時王
取鄔田於鄭鄭郡太守司馬牟之後晉有鄔大夫
武威安氏漢時有安成安壽 平原常氏衛康叔支
孫封常邑因氏 一云黃帝臣常先之後

樂于時傳皮卞齊康

南陽樂氏宋微子之後戴公生公子衍字樂父子孫
以王父之字為氏 河內于氏周武王第二子邠叔

之後以國為氏 隴西時氏齊之賢人時子之後

清河傅氏傳說之後 天水皮氏周卿士樊仲皮之

後濟陽卞氏曹叔振鐸之後食采於卞因氏 汝南

齊氏炎帝姜姓之後太公望子牙受封 營丘為齊

國因氏 京兆康氏衛康叔支孫

伍予元卞顧孟平黃

安定伍氏楚大夫伍參生舉舉生奢 下邳予氏秦

田余代居歙州予與余通用 河南元氏衛大夫元

咍之後食采於元因氏 西河卞氏周禮有卞人氏

因氏 武陵顧氏夏殷侯顧伯之後又漢封越王勾

踐裔孫顧余侯因氏 平昌孟氏魯桓公子慶父之
後號孟孫因氏 河內平氏 江夏黃氏陸終氏之
後受封於黃因氏

和穆蕭尹姚邵湛汪

汝南和氏堯時和仲和叔因氏 河內穆氏宋穆公
之後 河南蕭氏宋微子支孫封於蕭因邑命氏天
水尹氏帝少昊封尹城因氏 吳興姚氏舜生於姚
墟因氏 以所生之地名為姓 博陵邵氏武分邵
伯邵廖邵昭公並其後也 豫章湛氏 平陽汪氏
汪芒氏之後禮記有汪錡春秋時之童子也以功顯

魯孔子躋之譜系不傳

祁毛禹狄米貝明臧

太原祁氏晉大夫祁奚之後一云堯時伊祁氏之後

河內毛氏周文王第九子毛伯封毛國因氏 隴

西禹氏 天水狄氏周成王封少子於狄城因氏覆

姓庫狄氏鮮卑段疋禪之後齊時有庫狄峙為中書

舍人參掌機密魏時有庫狄干為定州刺史 京兆

朱氏其先出西域米國 清河貝氏 吳興明氏

東海臧氏魯孝公子疆食采於臧因氏是為僖伯

計伏成戴談宋茅龐

京兆計氏越人計然之後趙宋時有計有功紹興中
獻所著晉鑑 太原伏氏伏羲氏風姓之後 上谷
成氏周文王第五子成叔武之後子孫去邑為成
譙國戴氏宋戴公之後以謚為姓 廣平談氏不知
何自按春秋伐邾邾子來朝疑邾即談也 京兆宋
氏微子啓封於宋二十六代為楚滅後以國為氏
東海茅氏周公第三子茅叔封茅國因氏 始平龐
氏周文王子畢公之後封龐鄉因氏

熊紀舒屈項祝董梁

江陵熊氏楚鬻熊之後又云黃帝有熊氏之後 高

陽紀氏平陽紀氏本姜姓炎帝之後封紀為齊所滅
以國為氏 京兆舒氏舒子之後以國為氏 臨海
屈氏楚公族芊姓之後楚武子瑕食采於屈因氏
遼西項氏以國為姓項詭八歲服孔子其羅十二事
呂不韋 太原祝氏周武王封黃帝之後於祝以國
為氏或云祝史之後以官為氏 隴西董氏黃帝之
後已姓之後國有安生董父舜賜姓董氏孔子曰董
狐古之良史也 安定梁氏伯益之後秦仲有功周
平王封其少子於夏陽是為梁伯因氏

杜阮藍閔席季麻強

京兆杜氏帝堯劉累之後在周為唐杜氏成王滅唐
迂於杜為杜伯後為宣王所滅杜氏分散適魯杜洩
是也 陳留阮氏殷有阮國在波渭之間以國為姓
汝南藍氏汝南出自藍田春秋時魯大夫藍尹曹
隴西閔氏閔損孔子弟子 安定席氏 渤海季
氏陸終氏之子季連之後一云魯桓公之子季友之
後 上谷麻氏齊大夫麻嬰之後 天水強氏丹陽
強氏宋灑寧間兄弟五人浚明淵明偉明陟明猷明
俱以文孝踵登進士第

賈路婁危江童顏郭

武威賈氏唐叔虞少子父明康王封之賈晉滅之因
氏又云本周賈伯之後 內黃路氏黃帝封支子于
潞春秋時有潞子嬰兒今上黨潞縣後去水為路
譙國婁氏本朱婁國之後婁敬勸高帝都閔中賜姓
劉封奉春君 杞國樓氏夏少康之後周封杞東樓
公因氏漢時樓護字君鄉與谷永俱為五侯上容
留昌危氏 淮夏江氏又濟陽江氏伯益之後封于
江因氏 廐門童氏顓頊生老童因氏 魯國顏氏
魯伯禽支庶食采于顏因氏又邾武公字曰顏子孫
遂以父字為姓 太原郭氏周文王弟虢叔封虢或

曰郭公声之轉也

梅盛林刁鍾徐丘駱

汝南梅氏殷之後殷時有梅伯以國為氏本汝國梅氏因漢將軍梅銷六代孫喜迁居汝南廣陵盛氏西河林氏殷比干之子堅逃難長林山因氏弘農刁氏齊大夫堅刁之後晋刁協拜左僕射趙宋時有刁約直史館東海鍾氏潁川鍾氏宋微子之後桓公會孫食采鍾離因氏渤海徐氏嶺項之後羸姓伯益之後受封于徐因氏徐穉字孺子陳蕃尊禮之下榻以待漢桓帝徵之不至為高州高士高昌人

河南丘氏 内黃駱氏齊太公之後有子駱以王父字為氏

高夏蔡田樊胡凌霍

渤海高氏齊太公六代孫文公子高孫侯以父字為姓會稽夏氏夏后氏之後又陳宣公御叔亦為夏氏徵舒其後也濟陽蔡氏周文王第十四子蔡叔度主蔡仲胡受封于蔡因氏鴈門田氏舜之後陳厲公子完仕齊號田氏上黨樊氏周文王子虞仲支孫食采于樊因氏安定胡氏舜之後胡公封陳因氏胡建安人為渭城令河間凌氏衛康叔支子

為周凌人後遂為凌氏 太原霍氏周文王第六子
霍叔之後今河東有霍邑以國為氏

虞萬支柯咎管盧莫

陳留虞氏舜國號虞舜之子商均封于虞因氏 扶
風萬氏畢萬之後一云芮伯萬之後 邵陽支氏支
推傳一其先月支胡人今瑯琊有支氏晉支遁字道
林高僧也 濟陽柯氏按河南官氏志有柯拔氏按
宋書沈文貴傳錢塘富人柯降 太原咎氏 平昌
管氏周文王第三子管叔鮮受封于管因氏今鄭州
管城是也 范陽盧氏齊太公望之後至文公子高

高之孫倭食采于盧因氏 鉅鹿莫氏漢時有富人
莫氏大曆中有比部員外郎莫藏用

經房袁繆干解應宗

范陽經氏 清河房氏堯之子丹朱封房邑侯其子
陵以父封國名為氏四十八代孫雅王莽末為清河
守始居清河 渤海袁氏 蘭陵繆氏與穆姓通用
秦穆公之後繆音穆 潁川干氏 平陽解氏晉大
夫解揚解狐之後其先食采于解因氏 汝南應氏
周武王第四子應侯之後 京兆宗氏周大夫宗伯
之後以官為氏

丁宣賁鄧郁單杭洪

濟陽丁氏齊太公生丁公伋伋之支孫以謚為姓

始平宣氏魯大夫叔孫宣伯之後又云宋宣公之後

宣城賁氏漢時有賁伯偉晉時有賁高乃清操之

士與騎氏同用燕時有騎叔為將膽勇過人 南陽

鄧氏本殷時曼姓之國春秋時楚滅鄧因氏 黎陽

郁氏魯國語云郁貢為魯相 南陽單氏周成王封

少子臻于單因氏 餘杭杭氏後漢杭徐為太山都

尉代居丹陽 燉煌洪氏共工氏之後避仇改姓洪

包諸左石崔吉紐龔

上黨包氏楚大夫申包之後 瑯琊諸氏越大夫諸

稽郢之後 濟陽左氏齊公侯有左右公子因氏

武威石氏衛大夫石碯之後又云 石鯀仲衛大夫

生石初子石碯碯對衛君曰臣聞愛子者教之以義

方君子曰石碯純臣也出左傳石奮父子五人皆二

千石號萬石君後秦彭與諸從同時為二千石者五

人亦號萬石君 博陵崔氏齊太公孫讓國居崔邑

因氏其後居清河居博陵並為著姓 馮翊吉氏黃

帝之胤一云尹吉甫之後 吳興紐氏 武陵龔氏

龔勝龔舍並著名節

程稽邢滑裴陸榮翁

安定程氏顓頊重黎之後周時程伯休父其後也

譙國稽氏 河間邢氏周公第四子封于邢為衛所

滅因氏 下邳滑氏左傳云虞虢焦滑皆姬姓也以

國為氏鄭大夫滑羅漢詹事滑興 河東裴氏 伯

益之後秦非子之支孫封韮鄉侯因氏六代孫陵封

解邑君乃除邑從衣至今為裴姓也 河南陸氏齊

宣王封少子于平原陸鄉因氏 上谷榮氏 鹽官

翁氏周昭王庶子食采翁山因氏

荀羊於惠甄翹家封

河內荀氏周文王子卣侯之後荀林父晉之良臣荀

鄉趙人五十游李于齊齊王用為祭酒適楚為蘭陵

今 太山羊氏河上羊氏晉大夫羊舌之後生厓叔

向鮒叔魚春秋末始單姓羊按羊舌肸即叔向晉上

大夫有攘羊者以頭遺叔向母埋之三年事發追捕

向家頭肉俱尽惟有舌在國人異之遂以羊舌為氏

頓丘覆姓公羊氏魯人公羊高子夏弟子著春秋

京兆於氏 扶風惠氏周惠王支孫以謚為姓漢交

趾太守惠乘太僕惠根 中山甄氏 吳興翹氏漢

翹譚生閔避難居西平十一代孫嘉仕沮渠氏翹允

西州豪族語曰翹興塩牛筆下數頭南門朱門北望
青樓 京兆家氏 渤海封氏炎帝之後封鉅為黃
帝師因氏

芮羿儲靳汲芮縻松

平原芮氏周司徒芮伯萬之後左傳有芮伯字良夫
濟郡羿氏 河東儲氏孟子曰儲子為相 西河
靳氏列國時靳尚楚之倖臣諧言屈原清河汲氏
平陽邢氏與丙姓通齊大夫丙馱之後一云晉大夫
邢豫食采于邢因氏 汝南縻氏三國時有縻芳縻
竺 東莞松氏秦始皇封松為大夫因氏

井段富巫烏焦巴弓

扶風井氏 京兆段氏鄭武公子共叔段之後 濟
郡富氏周大夫富辰之後又魯大夫富父終身之後
鄭大夫有富子 平陽巫氏巫咸之後 潁川鄔氏
中山焦氏周封神農之後于焦因氏 平陽巴氏
昔有巴子國以國為氏有巴寡婦得丹穴獨擅其利
人不敢犯始皇以為貞婦而容禮之為築懷清臺人
今寡婦立貞節牌坊宜始此 太原弓氏魯大夫叔
弓之後

牧隗山谷車侯靈逢

弘農牧氏黃帝臣力牧大將之後 於杭隗氏疑與
枚同用有枚乘淮陰人游說之士漢武帝以安車蒲
輪徵之 河內山氏周時有山師之官掌山林以官
為氏一云烈山氏之後 上谷谷氏漢衛司馬谷吉
代居長生谷永 京兆車氏漢丞相田千秋以年老
詔乘小車出入省中號車丞相後因氏 上谷侯氏
東海侯氏按周禮有侯人氏以官為姓 平昌靈氏
孔子弟子有靈不齊字子賤又靈妃乃伏羲氏之女
溺洛水為神曹植有洛神賦與伏姓通用又與宓同
長樂逢氏夏殷諸侯逢公伯陵封齊士因氏有逢

蒙李射于羿

全和班仰秋仲伊宮

京兆全氏與泉姓同魏封全琮孫暉于白水改姓泉
全崇年饑以米數千斛賑貧有泉元禮洛州刺史導
梁州刺史 山陽和氏 扶風班氏楚令尹子文為
虎乳謂有斑文因氏 汝南仰氏 天水秋氏 中
山仲氏八元仲堪仲熊之後一云魯桓公慶父子孫
號仲孫之後又云湯左相仲虺魯仲由之後 太原
伊氏陳留伊氏堯時伊祈氏之裔孫伊尹 太原宮
氏宮之奇之後

齊仇藥暴其斜屬戎

齊郡甯氏衛康叔之後至武公生季亶食采于甯弟
須叔之後生喜九代卿族 南陽仇氏或曰尤起于
仇尤仇皆怨之義俱無所據 西河藥氏唐叔之
後晉靖侯孫賓食采于藥因氏 魏郡暴氏暴公周
之卿士暴辛周之諸侯 渤海其氏夏時有其侯國
因氏又云周封王子帶于其昭公是也殷有其盤其
茂下蔡人李百家說為秦左丞相顯名諸侯重強齊
楚茂之孫其羅年十二事丞相呂不韋不韋言羅年
少然名家子孫始皇以為上卿秦使張唐使燕唐辭

其羅曰臣請行之文信侯叱之其羅曰項橐七歲為
孔子師今臣十二矣若其試臣何處叱乎于是見張
卿太子 河西斜氏 平陽厲氏齊厲公之後 江
陵戎氏與莪同用齊人戎狄之後

祖武符劉景詹東龍

范陽祖氏殷祖乙祖甲之裔 太原武氏 瑯琊符
氏魯頃公孫公雅為秦符璽令因氏符存審五代人
晉王以為義兒軍賜姓李氏 彭城劉氏陶唐氏之
後受封于劉裔孫劉累事夏孔甲在夏為御龍氏商
時為豕鬻氏周時為杜惠氏杜伯子隄叔奔晉為士

氏孫士會適秦後奔晉處者為劉氏周大夫食采于
劉亦為劉氏士會之後徙豐沛至豐公生熒熒生漢
高帝 晉陽景氏京兆景氏芊姓楚公族也漢初徙
山東豪族于關中今好時華陽諸景是也楚有景差
河間詹氏周宣王支子賜姓詹封詹侯又云楚尹
之後 南陽東氏踈廣之後曾孫孟達避王莽亂自
東海徙涉鹿山因去足為東氏 武陽龍氏舜臣龍
之後又云秦龍氏之後

葉幸司韶却黎薊薄

南陽葉氏 雁門幸氏晉幸靈小人侵辱之無愠色

頓丘司氏瑕丘司氏 太原韶氏 京兆却氏周
文王第十一子封於却左傳却雍曹文公之昭也取
却大鼎于宋以國為氏 京兆黎氏九黎之後 內
黃薊氏 雁門薄氏風俗通云衛有賢人薄疑漢有
薄太后

印宿白懷蒲卻從鄂

馮翊印氏鄭穆公子印之後鄭大夫印段 東平宿
氏伏羲氏風姓之後宿國屬東平以國為氏 南陽
白氏黃帝之後秦大夫白乙丙楚有白公勝周有白
圭 河內懷氏無懷氏之後顧雍傳有尚書郎懷叙

河東蒲氏與符姓通風俗通云有詹事蒲昌而符
洪原有扈氏之裔世為西戎酋長本姓蒲改姓符
平蘆卽氏即平蘆臺氏與卽姓同用后稷封于卽春
秋時有臺駘即卽國之名漢侍中臺崇東莞從氏
漢時從公為將軍武昌鄂氏晉鄂侯之後漢時功
臣鄂千秋封安平侯

索咸藉賴卓蘭屠蒙

武威索氏殷人索氏之後晉索湛為北河太守湛之
子索靜稱燉煌五人汝南咸氏廣平藉氏穎
川賴氏按左傳有賴國為楚所滅因氏漢有交趾太

守賴先

西河卓氏

中山藺氏晉韓厥支孫食采

于藺因氏

陳留屠氏晉大夫屠蒯晉將屠岸賈之

後安定蒙氏東蒙主因氏焉秦蒙恬為將威鎮匈奴

池喬陰鬱胥能蒼雙

西平池氏漢池瑗為中牟令魏池仲魚為城門侯

梁國喬氏與橋姓通黃帝葬橋山因氏始平陰氏

周文王第三子管叔鮮之後晉夷吾七代孫倚適楚

為陰大夫因氏又云陰康氏之後周有陰不佞漢時

陰隣女為先武后太原鬱氏瑯琊胥氏春秋時

衛有胥申父晉有胥偃太原能氏武陵蒼氏與

倉姓通用八凱蒼舒之後又黃帝之史官蒼頡之後
春秋時有蒼葛 天水雙氏顓頊之後封雙蒙城因
氏

聞莘党翟譚貢勞逢

吳興聞氏 天水莘氏夏后氏啓支子封莘因氏
馮翊党氏與馮翊黨姓通夏后氏之後秦有將軍党
耐虎唐有党芬為孔日 南陽翟氏黃帝之後居程
地因氏 弘農譚氏 廣陵貢氏 松江勞氏武陽
勞氏其先居東海勞山因氏晉有三公即勞霸後漢
有盜帥勞丙 譙國逢氏

姬申扶堵冉宰酈雍

南陽姬氏周文王姬姓 魏郡申氏姜姓炎帝四岳
之後封于申號申伯因氏 京兆扶氏本乞扶氏改
姓扶氏漢有扶嘉為廷尉 河東堵氏按左傳鄭有
堵叔叔詹師叔三良為政未可間也 武陵冉氏
西河宰氏周大夫宰孔周公之後以官為氏宰子孔
子弟子 新蔡酈氏 京兆雍氏雍法周文王第十
二子雍伯之後以國為氏

卻瓊桑桂濮牛壽通

魯陽卻氏又濟陰卻氏晉大夫卻文生豹豹生蒍蒍

生缺缺生克生錡代為晉侯 黎陽璩氏 黎陽桑氏
 天水桂氏漢有桂褒為楊州刺史 魯國濮氏
 隴西牛氏 京兆壽氏 西河通氏巴大夫食采
 通川因氏

邊扈燕冀郊浦尚農

隴西邊氏子姓宋公子邊之後邊韶漢人 京兆扈
 訖氏夏時有扈氏之後扈寅為晉尚書令史 范陽
 燕評氏始興燕氏召公奭封燕傳四十二代秦滅之
 因氏 渤海冀氏左傳有冀國晉大夫却芮食采于
 冀邑因氏 武陵郊氏 京兆浦氏 上黨尚氏京

兆尚氏齊太公號太師尚父因氏 鴈門農氏

温別姓晏柴瞿閻克

太原温氏唐叔虞之後晉公族受封河內之温地因

氏 京兆別氏 天水莊氏楚莊王之後以謚為姓

齊郡晏氏齊公族晏桓子名弱生嬰 平陽柴氏

孔子弟子高柴之後漢有棘蒲侯柴武晉時有太守

柴文 松陽瞿氏河東裴桃兒娶蒼梧瞿室之女後

繼瞿姓焉 太原閻氏周武王封太伯曾孫仲突于

閻鄉因氏又云唐叔虞之後公族食采于閻邑因氏

燉煌克氏又贊皇克氏漢有克申仙人克尚之後

慕連茹習宦艾魚容

燉煌慕氏 上黨連氏齊大夫連稱之後 河內茹

氏齊有茹法亮仕齊勢傾天下 東陽習氏風俗通

云習國名也漢有習響為陳相習鑿齒字彥威襄陽

人有才氣自云四海習鑿齒 中山宦氏 天水艾

氏晏子春秋云齊大夫艾孔之後 馮翊魚氏又馮

門魚氏宋子魚之後宋魚石為左師宋魚府為少宰

燉煌容氏南容氏之後

向古易慎戈廖度終

河內向氏宋桓子向父朕朕孫向戌為左師子孫因

氏馬向黹宋司馬戌之曾孫 新安古氏周太公古

公之後與詒姓通 太原易氏齊大夫易牙之後

天水慎氏戰國慎到為韓大夫務刑名李 臨海戈

氏 武威廖氏古有廖叔安春秋伯嚭是也 齊郡

度氏堯時掌度之大夫以官為氏 南陽終氏陸終

之後終軍字子雲

暨居衡步都耿滿弘

渤海暨氏 渤海居氏馮門衡氏又平陽衡氏伊尹

為阿衡因氏一云魯公子衡之後 平陽步氏按左

傳晉大夫步陽之後食采于步因氏仲尼弟子步乘

又有步鹿氏改步氏 黎陽都氏本姓苑有臨淄侯
都稽因氏 高陽耿氏殷時有耿侯因氏書云祖乙
祀于耿 河東蒲氏 太原弘氏

匡國文冠廣祿闕東

晉陽匡氏魯匡邑宰匡句須之後 下邳國氏齊卿
族國氏代為上卿又鄭穆公子發字子國生僑字子
產以王父字為氏 馮門文氏周文王支孫以謚為
姓 上黨冠氏周蘇忿生為司寇因氏一云衛康叔
為司寇因氏 卅陽廣氏風俗通云廣成子之後
扶風祿氏殷紂子武庚字祿父以王父字為氏 下

邳闕氏風俗通云闕黨童子之後闕翊為漢荊州刺
史 平原東氏舜七友東不訾之後

歐及沃利蔚越夔隆

平陽歐氏 武陵及氏 太原沃氏風俗通云殷王
沃丁之後吳人沃焦成仙 河南利氏漢時有利幾
又仙人利貞源 瑯琊蔚氏鄭大夫尉翊之後古有
尉繚子著書號尉繚子魏孝文改為尉 晉陽越氏
夏少康之後妣姓越王勾踐裔孫以國為氏一云越
姜氏改為越氏 京兆夔氏以國為氏趙人夔安燕
人夔騰南陽隆氏

師鞏庫聶昆勾評教評融

太原師氏鄭時有師叔堵叔叔詹之三良因氏山

陽鞏氏 內黃庫氏守庫大夫之後 河東聶氏衛

大夫食采于聶因氏 京兆晁氏按左傳王子朝之

後又衛大夫史朝之後晁與朝通又與鼂 平陽勾

氏勾芒氏之後史記有勾強 譙國教氏顓頊之師

大教之後 南康融氏祝融氏之後

冷訾評年闕那簡饒空

京兆冷氏伶倫之後音訛以伶為冷 渤海訾氏帝

學妃訾陬之後漢有樓虛侯訾順 隴西辛氏天

水闕氏三國吳有闕澤 天水那氏 范陽簡氏按

左傳晉大夫孤鞠居食采于簡因氏 平陽饒氏

頓丘空氏即司空氏詳見司空氏下

魯毋沙七養鞠須豐

魯國魯氏夏少康封少子曲烈于鄆春秋言滅之鄆

太子巫仕魯去邑為魯氏 鉅鹿毋氏 汝南沙氏

東筦沙氏今教門有沙氏 晉昌七氏 山陽養氏

楚有養由基孝子傳有養奮良養彭舒 山陽鞠氏

又汝南鞠氏后稷生不窟不窟生鞠有文在手曰鞠

因氏 渤海須氏太昊風姓之後有須勾國以國為

氏 括陽豐氏鄭穆子豐之後

巢閔荆相查後荆紅

彭城巢氏有巢氏之後堯時有巢父洗耳 隴西閔

氏閔令尹喜之後又夏大夫閔龍逢之後 襄陽荆

氏晉大夫蒯得之後 魏郡相氏 汝南查氏 東

海後氏 廣陵荆氏 平昌紅氏楚元王子紅侯劉

富之後

游竺權祿蓋益桓公

廣平游氏 東海竺氏本天竺胡人後漢時歸中國

因氏漢有擬陽侯竺晏 天水權氏楚若敖之孫闔

緡尹權因氏秦迂大姓 因居天水 廣平祿氏殷紂

子武庚字祿父以王父字為氏 汝南蓋氏 馮翊

益氏舜臣伯益之後以字為氏 譙國桓氏齊桓公

之後宋桓公後向魑亦號桓氏 括陽公氏魯昭公

子公偃公為之後漢時公儉為主爵都尉

覆姓萬侯司馬上官歐陽

蘭陵萬侯氏宋時有万侯高 河內司馬氏重黎之

後周宣王時裔孫程伯休父為司馬以官為氏 天

水上官氏 楚王子蘭為上官邑大夫因氏漢有上

官傑又有東陽官氏 渤海歐陽氏越王勾踐支孫

封烏程歐陽亭因氏又有玉田陽氏周景王封少子于陽樊因氏

夏侯諸葛聞人東方

譙國夏侯氏三國時有夏侯淵瑯琊諸葛氏本諸伯後葛氏舊居瑯琊諸縣後徙陽都時人稱諸葛氏又云葛嬰為陳涉將非罪而誅漢文帝封其孫為諸縣侯因氏諸葛烏河南聞人氏平原東方氏本舜七友東不訾之後漢武帝時有東方朔

赫連皇甫尉遲公羊

渤海赫連氏

平原皇甫氏

太原尉遲氏晉時有

遲昭唐有尉遲敬德頓丘公羊氏魯人公羊高子夏弟子著春秋

澹臺公冶宗政濮陽

太山澹臺氏春秋時有臺駘又有澹臺滅明魯國公冶氏孔子弟子公冶長解鳥語彭城宗政氏疑即周大夫宗伯之後博陵濮陽氏

淳于單于太叔申屠

河內淳于氏戰國時有淳于髡千乘單于氏東平太叔氏京兆申屠氏

公孫仲孫軒轅令狐

高陽公孫氏漢時公孫弘 高陽仲孫氏齊人仲孫
 湫其叔孫氏本魯桓子叔牙之後叔孫僑如叔孫武
 叔皆其後也 卻陽軒轅氏黃帝軒轅氏之後 太
 原令狐氏周文王畢公高之後魏顥封令狐因氏有
 令狐楚知制誥箋奏制令其子令狐綯為孝士對禁
 中燭盡以金蓮華炬送還

鍾離宇文長孫慕容

會稽鍾離氏本宋微子後桓公會孫食采鍾離因氏
 鍾離昧為項羽將 趙郡宇文氏 濟陽長孫氏本
 魏文帝兄拔、氏改為長孫氏有長孫道生為三公

長孫晟善射突厥畏之 燉煌慕容氏

司徒司空

趙郡司徒氏 頓丘司空氏

百家外雜姓

種媯隨禪歸蘧鋤樗踈塗

河東種氏漢時種暭為司馬 媯氏舜居瀋汭因氏
 後漢有媯覽河內隨氏與隋姓同漢有隋何 禪氏
 鄭大夫有禪諶 京兆歸氏春秋時晉有婦人名歸
 生因氏唐有詩人歸日安 蘧氏衛大夫蘧伯玉
 鋤氏晉趙盾時有鋤麂 樗氏秦丞相有樗里疾

智季謚莊子也 摯氏以國為姓摯恂漢永初中隱
于南山不應徵聘名重關西 豫氏晉時有義士豫
讓 度氏漢時度尚為上虞長 太康祭氏周公第
五子祭伯支孫以國為氏 介氏列國時晉有介之
推

晉頓灌變淖到暢况敬慶

平陽晉氏周武王第三子叔虞封唐唐有晉水因改
名晉以國為姓魏將有晉鄙 頓氏周末時有頓弱
游說之士 灌氏古諸侯斟灌氏之後 變氏華陽
國志昌寧大姓有變日 淖氏有淖齒 到氏楚令

尹屈到之後 暢氏齊有暢惠明撰論語集註 况
氏蜀有况長寧 平陽敬氏陳厲公子敬仲之後以
謚為姓又黃帝孫少康之後秦有敬丕子教為平陽
太守避宋廟諱改姓苟姓文皆敬姓之分也 慶氏
晉大夫有慶鄭齊大夫有慶封

正繡闔苑散扁展蹇棗倚

正氏周末時有正考父魏有正帛為永昌守 繡氏
按漢游俠傳有馬領繡君實 闔氏春秋時有闔伯
椒 范陽苑氏殷武苑子文封苑城因氏春秋時有
苑何忌為齊大夫 散氏周時有散宜生 南陽扁

氏扁散勵海人姓秦名越人 展氏魯孝公子庶之
後無駭卒公命以字為展氏有展禽名獲為士師三
黜食邑柳下謚曰惠其弟盜跖 蹇氏春秋時秦蹇
叔諫伐晉漢有蹇蘭為交趾太守 棗氏本姓棘有
棘子成後避仇改為棗漢末有棗祗為屯田都尉
倚氏楚左史有倚相

耳汝巨楚第伍隗乞伏服鬻曲

耳氏 江陵汝氏殷汝鳩汝方之後與女姓同晉大
夫有女叔齊漢時女郁迂魯相以德化人 巨氏漢
巨無霸身長一丈腰大十圍 江陵楚氏以國為姓

楚建中得與耆英會 隴西第伍氏齊田氏之後漢
初田氏徙居園陵者多故以次第為姓 餘抗隗氏
翟國隗姓因氏 覆姓乞伏本鮮卑乞伏部酋帥因
氏有乞伏國人稱西秦乞伏慧慷慨有大節為隋涼
州總管 服氏服虔作春秋左氏傳解鬻氏鬻熊子
年九十為文王師鬻拳強諫楚子臨之以兵惧而從
之拳曰吾罪莫大焉遂自刎 曲氏曲環陝州人善
騎射宋曲端乃名將

續嶽卓郅漆帥訖藥帛伯交

馮門續氏晉大夫狐鞠居續因氏 嶽氏嶽飛字鵬

舉初生有禽若鵬飛鳴屋上因名 西河卓氏又蜀
郡卓氏同鉄冶致富漢有卓茂父子仕後漢官皆至
郡守 邛氏漢邛都迂中尉行法不避貴戚號蒼鷹
漆氏魯相漆彫開之後世有北海青州望族漆沈
為魯相其先居雍州漆水因氏 帥訖氏晉尚書師
曷避司馬師諱改姓帥今昌化縣有帥誌氏皆呼曰
帥誌疑即帥訖氏之後而本姓帥也 京兆藥氏漢
明帝時有藥崧忤旨帝怒崧避入床下帝以木撞之
崧曰臣聞天子穆穆諸侯惶惶未聞天子自起撞即
帝乃止 帛氏有仙人帛和晉佛圖澄姓帛氏 伯

氏吳太宰伯嚭 麥氏隋時有麥鉄杖称勇將
編脩吳沈作千家姓表進凡一千九百六十八姓尚
有遺者

新鐫古今事物原始全書卷之七

明臨安徐炬明夫采輯

仁和張橫仲明校

五金

軒轅時蚩尤叛葛天廬之山出金蚩尤制為劍鎧矛
戟此有金之始世稱金曰黃金銀曰白金銅曰赤金
凡律度量等物用銅者取其至精不為燥濕寒暑變
節不為霜露風雨改形段成式酉陽雜俎云山上有
薑下有銅鉄說文云鉄為黑金書曰梁州貢鉄漢置
塩鉄之官張華博物志云鉛為青金紂燒鉛作粉之

始錫者銀色而鉛質古稱鉛為黑錫

玉

太白陰經云黃帝以玉為兵之始玉有七德禮記云
溫潤仁也縝密以栗智也薦而不戚義也垂之如墜
禮也叩之其聲清越以長其終詘然樂也瑕不掩瑜
忠也孚允旁達信也故君子比德于玉夫余國出火
玉光照數十步積之可以燃鼎

瓊瑤

瓊瑤玉名夏桀為瓊室瑤臺張蘊古太寶箴曰壯九
重于內所居不遇容膝彼昏不知瑤其臺而瓊其室

寶貝

凡五金珠翠玩好之類皆曰寶貝者海中介虫也有
數種詳見水族古者貨貝名曰寶龜王莽作金銀龜
貝錢貝之品元龜直二千一百六十貝注云兩貝為
朋朋直二百一十六朋曰元龜故云直二千一百
六十貝也又有公龜壯貝十朋伯龜私貝十朋子龜
小貝十朋皆為龜寶易曰或益之十朋之龜是也古
以五貝為朋王莽以兩貝為朋

貨幣

史記黃帝范金為貨制金刀立五幣之始漢食貨志

云周九府圜法貨寶于金利于刀流于泉布于布束
于帛言錢之流布廣于布帛通于泉流以珠玉為上
幣黃金為中幣刀布為下幣其三幣握之非有補于
煖也食之非有補于飽也先王用以守財物以御人
事而平天下也黃金方寸重一觔錢圜函方輕重以
銖布帛廣二尺二寸為幅長四丈曰疋

錢

管子曰湯七年旱禹五年水湯以莊山之金禹以歷
山之金並鑄幣以救人困俱稱幣未稱錢也至周太
公望立九府圜法始名曰錢太昊時高陽時皆曰金

高辛時曰貨陶唐時曰泉商周曰布齊魯曰刀泉周
曰錢國語曰周景王鑄大泉徑一寸二分重十二銖
文曰寶貨吳時亦鑄大錢以一當五百秦鑄半兩錢
漢高帝八銖錢文帝四銖武帝五銖又鑄半兩錢赤
側錢以一當五漢初又有榆莢錢公孫述據蜀時廢
銅錢鑄鉄錢王莽鑄金錯刀其錢形如刀以金錯之
也杜詩金錯囊中磬張平詩美人贈我金錯刀是也
南北朝梁亦鑄鉄錢梁末又鑄鸞眼錢謹考錢貨之
行久矣禹湯之幣太公之錢皆未有文也而泉之有
文始于周景王時寶貨內好皆有周廓注云內廓曰

好外廓曰內秦漢曰半兩五銖王莽曰貨錢貨布至
後魏孝文太和十九年鑄錢錢文曰太和五銖至孝
莊用楊福于永安二年更鑄永安五銖以年號鑄于
錢文自此始唐高祖武德四年廢五銖行開元通寶
高宗乾封中又曰乾封泉寶肅宗乾元時又曰乾元
重寶五代晉天福三年又曰天福元寶宋初錢文曰
宋元通寶又鑄太元通寶後遇每改元則皆以年號
鑄為錢文蓋錢文鑄以年自後魏孝文太和始稱曰
寶自周景王之大錢稱寶貨始稱通寶自唐高祖始
稱重寶自唐肅宗始稱元寶自晉高祖始毀佛像以

鑄錢僅始見于五代周世宗

鈔

宋高宗時女真元世祖造通元寶交鈔有一貫二貫
鈔製始此
國朝有大明寶鈔與銅錢兼行其鈔即元之楮幣也
劉秉中曰錢用于陽楮用于陰華夏陽明之區沙漠
幽陰之域

珠

珠出南海南番為上廣西次之順宗時拘弘國貢履
水珠色似鉄持之入海可行水上南蠻有火珠大如

知日中以艾藉之則火出開元中張悅為相有人送
悅一珠紺色有光名曰記事珠或有遺忘之事以手
弄此珠便覺心神開悟事無大小煥然曉明悅寶而
秘之墨客揮犀云孔子去衛適陳子路從行道逢一
婦採桑曰南枝窈窕北枝長婦曰夫子行陳必絕糧
孔子不答婦復曰九曲明珠穿不過回來問我採桑
娘孔子在陳果絕糧陳王以九曲珠俾孔子穿之不
得意謂桑婦有先見也使子路返問焉至前桑所婦
無覓但見桑邊泥一坩傍又有三子路曰桑者木也
泥者土也木傍有土杜也婦必姓杜三娘行也詢至

伊家問及其故三娘曰以脂塗線繫之蟻腰使蟻通
之如蟻不出以煙薰之子路得其術以穿之宋劉敞
詩云四海棲棲一旅人絕糧桑落死生隣自是天心
勞木鐸豈閔陳國有愚臣按一統志桑落在陳州界
魏惠王曰寡人有徑寸之珠照車前後各十二乘者
十枚齊王曰吾有四臣將照千里豈特十二乘哉

珊瑚

生大海中以鉄網沉水底侯經年取之今廣州有歲
高三二尺有枝無葉漢時趙佗獻一株高一丈二尺
晉王愷與石崇鬪富石家珊瑚大抵高六七尺周穆

王宴王母以珊瑚鈎擊盃而歌

瑪瑙

非石非玉刀割不動雖堅而脆其中有人物鳥獸形者最貴有錦黃花者名曰錦黃瑪瑙黑漆中有一點白者名曰合子瑪瑙黑白相間名曰截子瑪瑙黑白雜色如絲相間名曰黑漆瑪瑙此數種最貴淡水花者名曰漿水瑪瑙紫紅蒼者名曰醬班瑪瑙有海螵兔面蒼者皆價低古人云瑪瑙無紅一世貧窮

琥珀

出南番西番乃松木之精液多年化為琥珀耳其色

黃明莹澤其性松香紅而黃曰明珀香者謂之香珀

琉璃

高麗出者性堅刀刮不動其色白厚半寸大奉國出者綠赤黃色其黑紫點燈甚明勝于角煎琉璃遠矣漢書云蜀賓國出赤白青黃紅綠黑紫縹緋十種其玻璃出南番有紫白二色似水晶者碾開內有兩點花色是真或云即火燧珠向日可以取火

碑礪

生西國玉石之類形似蚌蛤有文理可飾殿堂梁樑七寶之一也

琅玕

生蜀中平澤又生海中者青色按禹貢云雍州厥貢
鏐琳琅玕爾雅云西北之美者有崑崙鏐琳琅玕孔
安國郭璞皆云石之似珠者山海經云石之美者

雲母

出土石間作片成層可析開之明滑光白為上江南
生者多青黑色葛洪抱朴子云雲母有五種五色並
具多青者名雲英多赤者名雲珠多白者名雲液多
黑者名雲母有青黃二色者名雲石

鍾乳

出泰山及道韶峽州生岩穴陰處溜山液而成中空
相通長者五六寸如鵝翎管樣有石竹茅山乳之別

珊瑚

西戎出者塊大如拳河東陝西出者雜碎如麻室又
夾沙石人生食之化心為血腐人腸胃

雄黃

生成都山谷與雌黃同山而生其陰山有金金精薰
則生雌黃其色如金而以雲母甲錯雜此畫家所重

水銀

出秦州商州土人採得砂石皆大塊如升斗碎之乃

可燒鍛故西來水銀極多廣雅謂之瀕丹灶家謂之
永飛煉即為輕粉

石英

今新安有之長五六寸者佳黃色如金在端者名黃
石英赤端白後者名赤石英青端赤後者名青石英
黑澤有光者名石英紫石英會稽嶺南俱出之

石燕石鱗

石燕出永州祈陽縣江傍沙灘上形似蚌而稍長其
寶石也或云生山洞中因雷雨則飛出墮于沙上而
化為石焉產婦两手各握一枚須臾子下唐詩云石

燕拂雲晴亦兩江豚吹浪夜還風即此其石鱗出嶺
南近海州郡躰質石也而形與鱗相似

空青

空青狀如楊梅一名楊梅青腹中空破而有漿者最
難得亦有如鷄子大者其曾青與空青相同而理色
亦無異但其形青圓如鉄珠色白而腹不空耳

丹砂

辰州出者佳故又名辰砂生深山石崖間土人穴地
數十尺始見其苗乃曰石耳謂之朱砂床砂生石上
其塊大如鷄子小者如石榴子周禮以丹砂石膽雉

黃磬石磁石為五毒愚按金石之類頗繁本草載之
詳矣奚容余之喋喋也姑采其日常所見聞者以備
分門集類云爾今聊書其名色焉夫金之美者曰鏐
玉未經琢曰璞魯之寶玉曰璠璣玉之瑞者曰璧玉
之美曰琳曰球曰瑜曰琛曰琮玉之色赤者曰珪半
珪曰璋周禮以赤璋禮南方以白琥禮西方石之似
玉曰玢曰珉曰瓊其石類曰滑石曰石膽曰石綠曰
石膏曰磁石曰凝水曰陽起曰礬石曰代赭曰金星
曰花乳曰茅山石曰紫班石曰密陀僧曰石硫黃
九府刀泉卷七終

新鐫古今事物原始全書卷之八

臨安徐炬明夫采輯
仁和張橫仲明校正

冠

通典曰上古聖人衣毛帽皮中古醒人見鳥獸之冠
角乃作冠至黃帝始以布帛為之蔡邕獨斷曰天子
之冠名曰通天冠杜佑曰宋時更名平天冠三禮圖
云三代冠名夏曰母追音無商曰章甫周曰委帽俱以
緇布為之周時亦名玄冠六帖曰孔子作緇布冠誤

矣崔豹古今注曰漢平帝元始五年作進賢冠乃古
之緇布冠之遺像即今之金線冠也乃儒者之服漢
制公卿列侯冠三梁二千石冠二梁下大夫冠一梁
以別貴賤淮南子曰楚文王好服豸冠楚人效之豸
冠之制始此注云獬豸神羊也能別曲直輿服志云
晉惠帝時郎中戴鷓鴣冠注云鷓鴣山雞也又名錦
雞周時侍御史名柱下史冠法冠其後以鉄為柱取
其不撓之義孔帖云知天文者戴鷓鴣冠以鷓鴣能知天
將雨也戰國時趙武靈王好胡服始置貂蟬冠一曰
武弁也即大冠其像金蟬左貂侍中冠之始皇併趙

以此冠賜侍中續事始曰鷓鴣冠乃武冠也今梨園武
冠上插毛者即其遺制亦始于楚有楚人自號鷓鴣冠
子衣蔽履以鷓鴣為冠莫知其名著書言道家事注云
鷓似雉勇而善閉不死不止故用其尾以飾武冠唐
時野夫戴黃冠衣草服張道士通古今寄迹老子法
中韓愈詩云詣闕三上書臣非黃冠流文天祥有黃
冠歸故鄉之句宋時何尚之致仕戴鹿皮冠沛公戴
竹皮冠原憲戴樺皮冠

冕

通典曰黃帝作冕垂旒目不視邪色也充續於耳耳

不聽邪言也說文云冕有五制古者大夫以上至天子皆有冕惟旒之多寡以別之宋英宗朝李育上言制冕以周官為本凡十二旒間以采玉加以紘誕笄瑱之飾自東漢至唐而史官名儒記述前制皆無珠翠犀寶之飾蓋謂明水大羹不可以衆味和雲門咸池不可以新聲間袞冕之服不宜以珍恠累也許慎說文云旒垂玉也乃冕之飾也冕制有五一日袞冕王十二旒上公九旒二曰鷩旒王九旒三公八旒侯伯七旒三曰毳冕王七旒孤卿六旒子男五旒四曰布冕王五旒大夫及諸侯之孤各四旒五曰玄冕左

三旒陸佃云王之五冕皆十二旒杜佑曰天子十二旒至地諸侯九旒至軫大夫七旒至轂士三旒至肩說文云古旒皆用玉三國時魏明帝改用珊瑚珠

弁

說文云即冕屬周曰弁夏曰收商曰啤詩云載弁俶依禮云皮弁素積史記云三王共皮弁

組綬

禮曰天子佩白玉而玄組綬諸侯山玄玉而青組綬謂之綬者何也蓋綬乃貫佩玉取相承受之義耳董巴輿服志曰戰國時解去綬佩留其絲緣以綵紺連

結于祿今之綬帶起于戰國而綬名始于三代其青
絲綬名曰綸

佩

輿服志曰古者君臣皆佩玉三代同始于夏后氏至
周始制其等禮記天子佩白玉公侯山玄大夫水蒼
世子瑜玉士璠玟是也其玉佩名曰玦白虎通曰君
子能斷則佩玦荀子云君子之于人絕交以玦反絕
以環君之逐臣賜環則反賜玦則絕

帶

穆王北征舍于珠澤珠澤之人獻白石帶天子賜黃

金六環唐定為四品服太祖曰玉不離石犀不離角
可貴者惟金乃作金裘方圓帶以賜政府御仙花帶
以賜侍臣世稱笏頭荔枝者此其始也二儀實錄曰
古有華帶乃挿垂頭至秦二世始名腰帶唐高宗令
向下挿垂頭取順下之義上元元年自三品官至庶
人各有定制始以金玉犀銀瑜鈿銅鉄為飾

魚

實錄曰三代以韋為之名曰等袋魏時謂之龜唐高
祖給隨身魚三品以上則飾金五品以下則飾銀故
名魚袋武后改曰龜後復為魚真宗神龍初賜紫則

給金魚賜緋銀魚不限品也唐會要曰高宗咸亨三年京官四品五品皆佩銀魚武后久視元年三品飾金四品銀五品銅神宗元豐初用玉魚以副金帶金魚以副玉帶韓文公詩曰不知官高卑玉帶懸金魚

符節

說文云符信也漢制竹箭五枝長五寸鐫刻篆書與郡守各分一半右留京師左以與之信陵君即魏公子無忌也竊兵符使朱夾擊晉鄙漢文帝為銅虎符當發兵遣使至郡合符相合乃受之唐高祖頒銀莧符後改銅魚符以發兵西京北都留守給麟符東方

青龍符南朱雀符西騶虞符北玄武符出車服志節與符皆所以示信也但經史皆作節今亦附此以竹為之柄長三尺以旌牛尾為旄三重守邦國者用玉節守都鄙者用角節邦國之使出使于山國用虎節土國用人節澤國用龍節皆金也門閔用符節貨賄用璽節道路用旌節皆有期以反節凡通達于天下者皆有節出禮記漢初節純用赤按周禮地官之屬掌之有玉角龍虎至漢節始加旄宋朝會要曰金節隋制也以八層黃繡龍袋籠之周禮六節山國用虎土國用人澤國用龍三節皆金為之按周禮地官之

屬掌節有五角虎人龍符璽旌等節漢文帝有旄節之制西京雜記曰漢大駕鹵簿有節十六在左右則漢時始用為儀仗也筆談曰古節如今之虎符其用有珪璋龍虎之別漢人有持節乃古旄也然則節自周起而旄則始于漢也呂氏春秋曰墨者田鳩見楚王王悅之得將軍之節將軍賜節已見于戰國時孟詵錦帶前書曰以竹為之使人執導之隋書曰後周制有旄節畫白獸而折羽於其上唐車服志曰唐高祖初大將出則賜旌以顯賞賜節以顯殺旌以絳帛五丈以粉畫虎銅龍一首纏緋幡紫縑為袋油囊為

表節懸畫木盤相去數寸隅垂赤麻餘與旌用此蓋唐制也管子曰舜有進善之旌則旌乃有虞氏始也世本曰黃帝始作旌

璽印

春秋運斗樞曰舜為天子黃龍負圖封其兩端有璽文曰天皇符璽後漢祭祀志曰三王雕文詐偽漸興始有符璽以檢奸萌是璽肇于三代應劭曰璽者備也古者尊卑共之衛宏曰秦以前民亦以金玉為印自始皇得卞和之璞刻之使李斯篆文曰受命于天既壽永昌名曰傳國璽群臣無敢用玉矣章衡曰唐

武后改傳國璽曰寶七雄之時臣下之璽始稱曰印
史記云蘇秦佩六國相印是也漢三公以下有金銀
銅三等宋時惟節度觀察防禦等官賜之續事始曰
州縣之印始于春秋之時商鞅書曰法令之長印以
封券則有司之賜印已見于秦孝公之時漢時諸侯
三金印橐駝鈕文曰璽丞相列侯金龜鈕文曰章御
史大夫金印紫綬文曰章中二千石銀印龜鈕文曰
章千石四百石皆銅文曰印晉輿服志相國太尉三
公御史大夫皆金章紫綬二千石以上皆銀印青綬
光祿大夫凡六百石以上皆銅印黑綬博士御史謁

者郎比二百石以上皆銅印黃綬而條印則始于北
齊杜佑通典曰北齊有督攝萬機之印以木為一劍
長一尺二寸廣二寸五分背上為別劍長九寸厚一
寸廣七分腹隱起篆文曰督攝萬機四字今之條印
關防始于此也

券

漢書云券者符契也漢高帝以鉄鑄之以朱書之其
文曰泰山若礪黃河如帶國以永存爰及苗稟用以
賜功臣國之所以示信也名曰丹書鉄券注云以木
牘為要約之書以刀剖之屈曲如犬牙唐以前館驛

並給往來開元中始給紙券即今勘合之類出青箱
雜記

牙門

宋朝會要曰古者天子出建大牙今制錯綵為神人
象中道前後各一左右道五門而一門二旗蓋取周
制立旌表於門及天子五門之制

龍旗

宋朝新制也謂風伯雨師雷公電母各一五星五左
右攝提二北斗一也

攝提旗

宋建隆四年將郊祀陶穀建議取天文北斗角攝提之
象作攝提旗及北斗二十八宿十二辰五嶽五方神
五鳳四瀆等旗

龍墀旗

唐禮令無文開寶新禮通加謂天下太平一五方各
一君王萬歲一日月各一

負圖旗

宋朝會要曰建隆中郊祀太祖詔造大黃龍負圖旗
一大神旗六日旗一月旗一君王萬歲旗一天下太
平旗一師子旗二金鸞金鳳旗各一五龍旗五丸二

十一旗皆有架南效用之大黃龍負圖旗陳于端門
前餘二十旗悉列于宿頓宮前如遇朝會冊禮亦陳
于殿庭也

玉兔旗

宋會要曰乾德六年太祖親郊有司請以國初以來
祥異著於旗章遂作金鸚鵡玉兔馴象等旗蓋謂建
隆二年隴州楊勳獻鸚鵡鄆州姚光輔獻白兔及馴
象自為三旗也

合璧旗

漢書律歷志曰漢武帝選治曆者造太初曆復使淳

于渠陵覆曆晦望弦朔最密太初元年十一月甲子
望冬至七政周起牽牛初度日月如合璧五星如連
珠大饗明堂記曰宋朝取此義以禮物謂日月合璧
旗一以莖文旗二夾之五星連珠旗一以祥雲旗二
夾之

引駕旗

明堂記曰引駕旗唐禮令無文唐開寶通禮新加謂
十二辰天王二等旗也

五嶽旗

大饗明堂記曰五嶽五方神五龍五鳳四瀆神等旗

乃宋朝所制

五方旗

通典曰黃帝振兵始設五旗黃帝內傳曰帝制五彩旗指顧向皆黃帝出軍決曰攻伐作五彩牙旗青引東赤引南白西黑北中黃是也

罕

通典曰武王克紂百夫荷罕旗以前驅後漢有九游雲罕西京雜記曰漢大駕有罕罕在左右則是漢始制此二物晉輿服志曰五時車後次華蓋中道左罕右罕宋朝會要曰象罕為天街故為前引皆赤負金

銅飾朱藤結網金獸面罕方上有二螭首銜紅絲拂罕如圓扇

黃麾

通典曰黃帝振兵設五旗五麾之始宋會要曰麾古有黃朱纁三色漢鹵簿有左右黃麾今制絳帛為之如幡采成黃麾字古今注曰麾所以指麾武王執白旄指揮是也乘以黃諸王以朱刺史二千石以纁

旂常

周禮巾車玉輅建太常按司馬法章曰夏以日月上明商以虎上威周以龍上文釋名曰日月為常畫日

月於旗端言常明也自夏后始奚仲為夏車正加以
旂常於是旂就有差用明尊卑之別

華蓋

崔豹古今注曰黃帝與蚩尤戰常有五色雲氣金枝
玉葉止于帝上有花藹之象故作華蓋筆談曰輦後
曲蓋謂之篔簹兩旁夾扇通謂之扇篔簹皆繡彩亦有銷
金者即古之華蓋也

曲蓋

古今註曰曲蓋太公所作武王伐紂大風折蓋太公
因折蓋之形而始制曲蓋

方繖

宋會要曰方繖古張帛避雨之制今有方繖大繖是
繖之制始于古之張帛也

雉扇

古今注曰起於商高宗有雉雉之祥服章多用翟羽
周以為王后夫人之服飾車之有翟織雉羽為扇以
翳風塵漢乘輿服之後以賜梁孝王魏晉以來雉諸
王皆得用之

朱團扇

宋朝會要曰本漢時長柄扇宋孝武時詔王侯鄣扇

不得用雉尾故王公以下有朱團扇疑自此始也

俾倪

宋朝會要曰漢乘輿用之如花蓋而小疑漢始制之也

儀鍠

宋會要曰鍠屬也秦漢有之唐用為儀仗古今注曰秦改鈇鉞作鍠乃秦制也

班劍

本漢朝服帶劍取五色班闌之義開元禮羨慕曰漢制朝服帶劍晉代之以木謂之班劍宋齊謂之象劍

儀刀

二儀實錄曰儀刀自東晉多虞遂以木代之以備威儀即衙刀也宋會要曰儀刀以銀飾之宋時王公亦給之

御刀

宋會要曰晉宋以來皆有之其制黑鞘金花銀飾靶紫絲絛帔踏

鷄竿

楊文公談花曰杜鎬言金鷄肆赦不知始于何代關東風俗傳曰宋孝王問司馬鷹之曰後魏北齊赦日

立金鷄其義何取鷹之曰按海中星占云天鷄星動
為有赦蓋王者以天鷄星為度隋書云北齊赦日令
武庫設金鷄及鼓于闔門之右搗鼓千聲宣赦則建
金鷄或云起自西涼呂光未知孰是究其旨蓋西方
主兌兌為澤鷄者巽神巽主號令故合二物置其形
揭于長竿使衆觀之唐百官志曰中尚令赦日立金
鷄于仗南鷄用黃金飾口銜絳幡承以綵盤維以絳
繩教坊小兒得鷄首者官以錢購或取綵幡而已蓋
此事始于唐也

白幹槍

宋會要曰稍也唐時羽林所執制同稍而鉄刃上綴
朱絲拂隋志云齊梁四代儀中亦有此物疑晉宋以
後以為衛仗也

鳴鞭

唐及五代有之周官條狼氏執鞭趨群之遺法也雖
始於唐亦本周事也

毬杖

宋會要曰毬杖非古制蓋唐世尚之以資玩樂

氅

宋會要曰氅本緝鳥毛為之唐有五色孔雀大小氅

毛鷄毛之制隋書禮儀志梁
物御仗有赤髦青髦之別

倅於齊多循其儀

新鐫古今事物原始全書卷之九

臨安徐炬明夫采輯
仁和張煥仲明校正

車

呂氏春秋曰奚仲作車世本亦曰奚仲作車山海經
曰番禺生奚仲奚仲生吉光始以木為車郭璞注云
世本言奚仲作車又云吉光明其父子創意也古史
考曰黃帝作車引重致遠其後少昊駕牛奚仲駕馬
炬按奚仲為夏時之車正不過改制之妙耳又按劉
昭補注後漢書曰服牛乘馬以利天下所起遠矣豈

奚仲所為乎呂氏春秋及山海經世本皆誤耳古史考所說是也易繫辭言黃帝服牛乘馬引重致遠蓋取諸隨則車宜黃帝始明矣

鹵簿

炙轂子曰車駕行則有羽儀導護謂之鹵簿自秦漢始有其名後漢胡廣作天子出行鹵大楯也所以扞敵部伍之次皆著之簿儀其五兵獨以楯為名者行道之時甲楯之外餘兵在內故但言鹵簿五禮精義曰鹵大楯也以大楯領一部之人故名鹵簿

建旂

沈約輿服志曰車服以庸著在唐典夏后氏建旌旗辨其尊卑通典曰夏后氏使車正奚仲建旂旂尊卑上下各有等級則車輅之建旂常始于禹也

駕頭

筆談曰正衙法座香木為之加金飾四足墮角其前小偃織藤冒之每車駕出幸則使老內臣馬上抱之名曰駕頭

駕六

昔人皇氏駕六羽未言駕六馬按夏書五子之歌曰若朽索之馭六馬駕六之制宜自夏始逸禮王度記

曰天子駕六馬諸侯四大夫士二庶人一秦并天下自以為水德亦駕六馬

黃鉞

古今注曰黃鉞金斧車三代用之斬金以黃為乘輿之飾武王以黃鉞斬紂故王者以為戒宋朝會要曰黃鉞車漢制乘輿建之通典以為晉制

金根

古今注曰金根車即殷之瑞山車成湯郊祀有山根之瑞又名棗根車棗根黃如金故曰金根即殷之輅也秦并天下閱三代之輿服倣作是車

鸞旗

鸞旗車漢制也編以羽旄列繫幡傍胡廣曰以銅作鸞鳥立于車衡宋會要曰漢制為前驅上載赤旗旗上繡之以鸞通典亦曰鸞旗車漢制也繡鸞于旗插旗于上以為前驅

白鷺

通典曰白鷺車隋制也一名鼓吹車上施層樓樓上有翔鸞棲馬車柱之杪刺木為鷺以銜鵝毛筒唐時御史亦以鷺羽飾車取鷺見水中魚能察微隱之義

乘

通典曰昔人皇氏乘雲駕六羽出谷及五龍氏乘龍上下以理此乘之始也周禮四馬為乘

豹尾

古今註曰豹尾車周制也所以象君子豹變之義惟乘輿得建之通典曰漢制大駕法駕出屬車最後一乘懸豹尾楊雄曰大駕屬車八十一乘作三行尚書御史乘之最後一乘懸豹尾按徐廣淮南子曰古之軍正之官執豹皮以正其衆禮記前有士師則載虎皮

象車

西京雜記曰漢朝輿駕有象車鼓吹十三人晉輿服志曰漢鹵簿象車最在前杜佑通典曰晉武帝平吳南越獻馴象詔作大車駕之大駕將行使越人騎象車先試橋梁而梁朝象車亦居先設木蓮花座金蕉葉宋朝亦然則象車為先導自漢始也

輅

周禮巾車氏掌公車之政令辨其用與其旗物而等叙之治其出入王之五路一曰玉路錫音陽樊纓十有再就建太常十有二游以祀二曰金路鈎樊纓九就建大旆以賓同姓以封三曰象路朱樊纓七就建大

赤以朝異姓以封四曰革若龍勒條纓五就建大白以即戎以封四衛五曰木若前音剪樊鵠纓大大旄以田以封蕃國

大輅

史記云黃帝命邑夷作大輅以行四方王后之五輅曰安車輦車重翟車厭翟車翟車

五輅

隋書禮儀志曰輅有虞氏謂之鸞車夏后氏謂之車輅商謂之大輅周謂之乘輅按此謂之輅者自商人始也周人初制五輅用金玉象革以飾之後漢加摠

文晉兩廂加鷗翅亦謂之鷗車注云旂旗于左加祭戟于右皆橐藏之戟韜以繡黻

五牛輅

通典曰東晉過江副車遺缺有事權以馬車代之建旗于上後制五色木牛象五時車立旗于背行則使人輿之牛取負重致遠而安旗常纏而不舒所謂德車綏權是也晉書輿服志曰五牛旗乃平吳後所造以五牛建旗車設五牛青赤在左黃在中白黑在右

鳳輦

通典曰唐輦有七一曰大鳳輦前世無文疑唐所造

也今止曰鳳輦

大安輦

宋會要曰乾興元年禮儀院奉旨制造皇太后御座檐子乞詳定制度所稱名目詔以大安輦為名

芳亭

通典曰唐制輦七其五曰芳亭輦蓋始為大駕之羽衛也

安車

續事始曰安車立車皆漢制也安車者可坐者也謂之步輦即夏桀所駕人車古人譏之今廢人用眠轎

罪莫大焉列女傳云立輜無駢是婦人亦立也

羊車

通典曰羊車晉制也宋會要曰古輦車也亦名畫輪車駕以牛隋駕菓下馬宋亦駕二馬景祐五年賈昌朝上言羊車本漢晉之代乘于後宮隋大業初增以金室之飾駕以小駟馭以卯童自是以來遂為法從隋禮儀志曰漢氏或人牽或駕菓下馬晉武帝太康二年詔選孫和宮人五千入宮帝既平吳頗事遊宴常乘羊車恣其所之即便宴寢宮人競以竹葉插戶鹽汁洒地以引帝車然漢代已有此車晉武偶取乘

開室通禮新增之

相風

拾遺記曰皇娥游窮桑之浦有神童稱為白帝子與皇娥讌戲汎於海以桂枝為表結芳茅為旌刺玉為鳩置于表端言知四時之候今之相風鳥亦其遺像古今注曰相風乃夏禹所作周遷輿服雜事曰周公作相風即鳴鳶之象禮曰前有塵埃則載鳴鳶後代改為烏沈約輿服志曰相風鳥秦制也按黃帝內傳有相風鳥之制當是黃帝始也

皮軒

通典曰皮軒車漢制以虎皮為軒作前驅之車取曲禮前有士師則載虎皮之義也

崇德

宋會要曰崇德車本秦避惡車也上有旄孤棘矢所以禳却不祥上插黃旗太卜令在車執旗古今注曰辟惡車秦制也桃弓葦矢所以祓除不祥故曰辟惡

記里

古今注曰大章車所以識道里一名記里起于西漢按黃帝內傳曰玄女為帝製司南車當其前里記車居其右其制蓋黃帝始也非漢所作也

鍾鼓輿

宋會要曰鍾車鼓車乃隋制也隋時大駕羽衛有行漏車鍾鼓等車今為輿

小輿

通典曰按小輿即今之犢車駟車之流宋制小輿形如輅車小行幸則乘之

副車

禮記有貳車鄭康成云副車又有佐車然則副車亦周制也通典曰秦平天下以諸侯之車為副又周禮有戎車五倅有戎輅及廣闕革輕等車之倅倅者副

也則輅車有副周制然也

耕根

通典曰漢制如副車有三蓋一曰芝車置轆耒耜之籠上親耕所乘晉駕駟隋以青質羽葆雕裝軾平青囊盛耒耜而加之也

銅車

太子之輦曰銅車陸機詩云撫劍遵銅車其制始于漢

指南

鬼谷子曰夷人肅慎還國周公恐其迷跡造指南車

送之古史考亦云周公作或曰管仲作崔豹古今注
曰周公致太平越裳氏重譯來獻使者迷其歸路周
公錫以斬車五乘皆為司南之製黃帝內傳曰玄女
為帝製司南車當其前與蚩尤戰于涿鹿之野蚩尤
作大霧彌漫三日衆軍皆惑帝令風后法斗機作指
南車以別四方

長簷

長簷車梁制也梁朝全盛時貴游子弟駕長簷車著
高齒木屐坐棊枰方褥凭班絲隱囊即今之轎帷或
絹或布即古之中車也用油紙為幔以蔽風雨即油

碧車之遺制也今時逍遙轎之飛簷即梁時之長簷
車也出顏氏家訓

鐵車

史記云鐵車者一名檀車即戰國時田車之鐵轂火
牛兵車也詩云赴敵霜金劍追奔電鐵車是也

飛車

南蠻傳云奇肱國有飛車其人能從風遠行

追鋒

高貴鄉公好士公性急欲望外官特給車一乘武貴
五人每有宴集奔馳而至號曰追鋒車

皂蓋

古時三公有勲德者車上加皂蓋烏漆輪黃金雕裝青油幢朱絲絡即漢宣帝賜霍光皂蓋車是也

輜重

漢光武紀云載軍糧什物雜厠等件之車名曰輜重即周時所謂輜車也

鹿車

宋時有鹿車歐詩云白首歸乘一鹿車又詩云白鹿銜花駕小車

挽車

通典曰夏后時謂之輦商曰胡奴車周曰輜車許慎說文云挽車也漢書云駕人以行曰輦秦始皇去其輪以人荷之謂人在前使引之也漢代遂為人君之乘隋時亦稱輦

輦車

今之柴車羊頭車即左傳所謂輦車也

偏箱

晉馬隆攻鮮卑以山踞狹隘乃作偏廂車地廣則為鹿角車

星輅

漢申公傳曰出使之小車名曰星軺史記申公乘軺至京是也

短轅

史記云晉時有短轅車晉王導妻曹氏性妬導密置衆妾于別館曹氏知而將行導遽命駕短轅車壓尾柄驅牛而進司徒蔡謨戲曰朝廷欲加公九錫導謙退而已謨又曰不聞餘物准有短轅車長柄壓尾導大怒

江州車

孔明造木牛流馬以運軍餉蓋巴蜀道阻便于登陟

故耳木牛即今之小車之有前轆者流馬即今之獨推者而民間謂之江州車子按後漢郡國志巴郡有江州縣是時劉備全有巴蜀之地疑孔明創始于江州縣耳

擔子

舊唐書輿服志曰開成未定制宰相三公諸司官及致仕官疾病官皆許乘擔子如漢魏載輿之制按唐乾元以來始用兜籠以代車輿疑自此又為擔子之制也亦漢魏時載輿步輿之遺事耳

兜子

一名兜籠巴蜀婦人所用乾元以來多以兜籠代車
輦唐之兜籠即今之兜子蓋其制起于巴蜀而用于
中朝自唐乾元以來也

舟

呂氏春秋曰虞姁作物理論曰化狐作墨子曰工倕
作山海經曰番禺作許慎說文曰共鼓貨狄作注曰
皆黃帝臣也易曰黃帝剡木為舟剡木為楫是黃帝
始矣其樓船始于晉王濬代吳造舟以木為城上起
以樓馳馬往來按光武時雖有泛樓船号濟汾河之
歌考之群書未聞有起樓馳馬之盛宋太祖于朱明

門外造樓船百艘選卒習戰池中號水虎捷而龍舟
始于隋煬帝幸江都之時亦效吳夫差以錦為帆焉
而艨衝閘艦始于三国吳中實以薪草膏油乘風發
火以麈曹兵于赤壁而梁時陸納如造青龍白虎大
艦衣以牛皮高十五丈焉前蜀王北狩始造龍舟益
舸杜牧之詩云西子下姑蘇一舸過鴟夷宋詔興二
年王彥恢制大艦旁設四輪每輪八楫日行千里出
中興繫年錄史記曰梁時制鱗魚舟于天泉池即今
時行狹而短之舟是也王子年拾遺記云秦始皇好
仙有宛渠之民乘螺舟而至其形如螺沈行海底水

不浸入杜陽編云隋處士元藏機至海中一洲島人
曰此滄州也去國已數万里此洲方千里人多不死
藏機思歸洲人制凌風舸送之激水如箭首益之鳥
名曰鷁峽人呼船頭把篙相水道者為長年稍工曰
三老宋時呼為篙工水師今呼水夫水手又云稍公
稍婆其稍婆與客通曰包稍正船之木曰柁定船之
鉄曰楫用手搖曰櫓以手撐曰篙御風之幔曰帆掛
帆之木曰樯王荆公詩大舟如山起牙樯綰紗記錦
帆開牙樯動是也舟旁撥水者短曰楫長曰櫂用以
進水曰槳又云前推曰槳後曳曰櫂赤壁賦桂櫂兮

蘭槳是也小舟曰舴舺漁舟曰漁舸海舟曰舶編竹
夾箬以覆舟車曰蓬王子年拾遺記曰黃帝變束桴
以為舟楫則黃帝時先以用桴濟人矣注云小曰筏
大曰桴以竹木為之按岑彭傳乘舸箬以下江關東
竹木而浮水上即今之竹籊木籊也竹筏一名方谷
風云就其深矣方之舟之

桴音絕與輶同

書曰夏禹水乘舟陸乘車山乘橐泥乘輶漢書作桴
以板置泥上桴形如箕又云禹治水時山行乘擗用
鉄如錐以施屐下疑即今之屐下用釘之木屐也

橋曰梁又曰杠通車行者曰輿梁徒行者曰徒杠許慎說文云水橋謂之梁大橋謂之輿梁方言曰浮橋詩云造舟為梁益州以竹索為橋其名曰笮橋今時惟有福建泉州府洛陽橋在晉江縣東北跨洛陽江宋郡守蔡襄建累址于淵驪水為四十七道長三百六十丈廣一丈五尺蔡若水詩石架長橋跨海成論功直得萬安名安平橋亦在晉江縣西南石井鎮宋紹興中趙令佺建長八百餘丈出一統志

車駕九卷終

